

## ASÂKİR-İ MANSÛRE-İ MUHAMMEDİYYE KÂNÛNNÂMESİ

**Hamza KELEŞ**

Gazi Üniversitesi, Gazi Eğitim Fakültesi, Ortaöğretim Sosyal Alanlar Eğitimi Bölümü,  
Tarih Eğitimi Anabilim Dalı, Ankara.

### Özet

*Bu çalışmada yeniçeri ocağının kaldırılmasını müteakip oluşturulan Asâkir-i Mansûre-i Muhammediyye ordusunun kuruluş kânûnnâmesi üzerinde durulmaktadır. Çalışmada belgenin kısa bir değerlendirilmesi yapılduktan sonra belge günümüz harflerine aktarılmıştır. Kânûnnâme Asâkir-i Mansûre Muhammediyye ordusunun kuruluş gerekçesi, tertibi, miktarı, idâresi, istihdâmı, eğitimleri, giyim-kuşamı, teçhizatı, terfileri, emeklilikleri, sila ve hac izinleri, maaş ve yiyecekleri ile ilgili bilgi vermektedir.*

### THE CODE OF LAWS OF ASÂKİR-I MANSÛRE-I MUHAMMEDİYYE

### Abstract

*In this study, the military of Asâkir-i Mansûre-i Muhammediyye's establishment laws which formed after annulment of the corps of Janissary will be emphasized. In this study, after the briefly assessment of document, the document was transferred to new Turkish alphabet. This code of laws informed about the reason of establishment of this military and it's arrangement, administration, employment, training, costumes, equipment, promotion, retirement, permissions of hadj and homeland, salary and feedings.*

Başbakanlık Osmanlı Arşivi Hatt-ı Hümâyûnlar katalogunda 59106 numara ile kayıtlı bulunan Asâkir-i Mansûre-i Muhammediyye Kânûnnâmesi, 4 varaktan ibaret olup Temmuz 1826 (Gurre-i Z 1241) tarihlidir.

### Giriş

*Belgede Asâkir-i Mansûre ordusunun kuruluş gerekçesi şu şekilde ifade edilmiştir: 1826'ya gelinceye kadar Osmanlı Devleti'nin geniş bir coğrafyaya yayılmasında ve hakimiyet sahasını sürekli genişletmesinde yeniçeri ocağının katkısı büyük olmuştur. Ancak zamanla eski gücünü kaybetmeye ve seferlerde başarısız olmaya başlayan yeniçerileri, düzeltme yönünde birçok ıslahat girişimi meydana gelmesine rağmen hepsi de sonuçsuz kalmıştır. Böylece ıslahı mümkün olmayan yeniçerilerin kaldırılması ve yerine "Asâkir-i Mansûre-i Muhammediyye" adıyla yeni bir ordu kurulması kararlaştırılmıştır.*

*Kanunnâmeye göre ocağın tertibi, miktarı, idâresi ve istihdâmı şöyledir: Öncelikle İstanbul'da, Serasker Paşa emrinde, 12 bin neferi kapsayan 8 tertib oluşturulacak; bu tertibler birinci, ikinci, üçüncü vs. şeklinde isimlendirilecektir. Her tertipte bir binbaşı, her binbaşı maiyetine sağ ve sol kolağaları, yüzbaşılar, onbaşılar, topçu ve arabacı ve cebehâneci başılar, mülâzımlar, neferler, imamlar, nefer katibleri, mehterhâne takımı, mühendis, hekim ve cerrah neferleri mevcut olarak, her bir tertib zabıtlar de dahil 1.527 neferden oluşturulacaktır.*

Bu neferlerden nöbetleşe olarak iki binbaşı ve 3.054 neferi İstanbul merkezdeki Serasker Kapısı kışlaklarında bulunacak, İstanbul'da nöbetleşe kolluk bekleyip gece-gündüz mahalle ve sokakların korunmasına gayret göstereceklerdir. Diğer 6 binbaşı emrindeki 9 bin küsur nefer ise Davutpaşa ve Üsküdar kışlaklarında bulunacak; Üsküdar'da bulunanlar Fenerbahçesi'nden Bahr-i Siyah Boğazının Anadolu tarafında bulunan Fener Kalesine kadar hem boğaz kalelerini muhafaza hem de Boğaziçi sahillerinde karakolhane şeklinde yapılacak tabya başındaki kışlaklarda talim ile meşgul olacaklardır. Davutpaşa'da bulunacak binbaşılar ise neferleri ile Baruthane'den Bahr-i Siyah Boğazının Rumeli tarafında bulunan kalelerin sonuna kadar gerek kalelere gerekse tabyalardan artan karakolhanelere tayin olunacaklardır. 8 binbaşı daimi bir yerde tutulmayacak, bazen kışla ve kolluklarda bazen ise boğaz kaleleri, karakolhane ve diğer mevkiilerde nöbetleşe yer değişimi yapacaklardır. 8 binbaşının üzerine başbinbaşı unvanıyla zâbit ve rütbesi kapucubaşılık derecesinde olmak üzere Serasker Paşa ve nazırın seçimi ile liyakatli bir binbaşı tayin olunacaktır. Nazırların rütbesi darbhâne-i âmire nezâreti ile cebehâne nezâreti arasında olmak üzere "muallim-i asâkir-i mansûre-i muhammediyye nezâreti" diye kaydedilecektir. Ayrıca rütbesi masraf-ı şehriyârî kitâbeti ile süvârî mukâbeciliği arasında olmak üzere bir de ocak katibi tayin olunacaktır.

Kânûnnâmeye göre, ocağın her bir tertibi bir binbaşı komutasında olacaktır. Her tertib, yüzer kişilik olmak üzere, 12 saftan müteşekkil olup bunlar da sağ ve sol kol adıyla ikiye ayrılacaktır. Her safın başında bir yüzbaşı ve her kolun başında da bir kolağası bulunacaktır. Saflar içerisinde her on kişi bir onbaşının komutasında olacaktır. Ayrıca her kolda kolağasının yanı sıra topçubaşı, arabacıbaşı, cebehânebaşı, mülâzımlar, çavuşlar, sancaktârlar, mehterbaşı, hekim ve cerrah gibi görevliler bulunacak ve bunlarla beraber tertibin toplam sayısı 1.526 kişi olacaktır. 1.526 neferden oluşan her tertibin kontrolünden binbaşı sorumlu olacak, binbaşılar sağ ve sol kolağalarını, topçubaşı, arabacıbaşı ve diğer *reis*leri hesaba çekeceklerdir. Sol Kolağaları idarelerindeki altışar safın yüzbaşlarına, yüzbaşılar ise 105 neferden oluşan bir safın onbaşlarına, onbaşılar ise idarelerindeki 9 nefere amir olacaklardır.

Asâkir-i Mansûre neferâtının *günlük eğitim ve ibâdet şekilleri* ise kânûnnâmeye göre şöyledir: Neferler beş vakit namazı cemaatle kılacaklardır. Her safın kışlasında açılacak olan mektepte günde birer nöbet Kur'an-ı Kerîm, İlmihâl ve dînî ilimleri tahsil etmenin yanı sıra İstanbul kadısı tarafından imtihan ile seçilerek her bir safı atanacak olan imamlar vasıtasıyla da Birgivî Risâlesi okutulacaktır.

Zabit ve neferler için tertib edilen *maaş, giyim-kuşam, teçhizat ve ta'yinâtlarına* gelince: maaşlar, her ay 30'ar gün hesap edilerek her birisine günlük 6'şar akçeden verilecektir. Giyim kuşamları ise; Binbaşı dışındakilere her yıl, barış zamanlarında birer takım elbise, birer serhatli yemenisi ve savaş dönemlerinde birer adet yağmurluk verilecek ayrıca kasım ayına mahsusen de bir çift çizme verilecektir. Zaman içerisinde kendilerine verilen silah ve aletlerinin eskimesi durumunda zâbitler eskileri nâzıra getirerek tamirden geçirtirecek, tamiri mümkün değil ise -eskisi alınmak suretiyle- yenisi ile değiştirilecektir. Binbaşılara ise ilk tayinleri sırasında birer takım elbise verilecek ve bu elbiseler eskidikçe yenileme işini kendi maaşlarından yapacaklardır. Asâkir-i Mansûre'nin her bir ferdine sabahları ekme ve çorba, akşamları çorba (pirinç veya mercimek) ve yahni, Cuma ve Pazartesi geceleri ise pirinç veya bulgur pilavı verilecektir.

Asâkir-i Mansûre-i Muhammediyye neferâtının *terfilerinde* dikkat edilecek esaslar ise kânûnnâmede şöyle belirlenmiştir: Bir kimse tüfenk-endâz neferi olup sonra tertibine göre başarı gösterdikçe sırasıyla onbaşı, çavûş, sancaktar, mülâzım, yüzbaşı, kolağası mülâzımı, saff-ı evvelde ise altı yüzbaşı hükmünde olan Ağâ-yı yemîn, saff-ı sânde ise Ağâ-yı yesâr, sağ ve sol kolağalarından hangisi eski ve savaş tekniğine aşına ise binbaşı olacak ve baş binbaşılık kadrosu boşaldığı zaman binbaşılardan ehliyetlisinden birisi bu göreve seçilecektir. Yine topçu neferleri, top arabacıları, cebelhânci neferleri, surnâzen ve tablzenlerin terfilerinde kıdem esas alınmak şartıyla bilgi ve maharete de dikkat edilecektir.

Asâkir-i Mansûre neferlerinin *sıla ve hac izinleri* kânûnnâmede ayrı bir bölümde ele alınmıştır. Buna göre, her beş neferden birisi senede bir kez hazar vaktinde vilâyeti yakın bir yerde ise altı ay kadar ve uzak bir yerde ise sekiz ay kadar silya gidip işlerini görüp yine kışlasına gelmek üzere dönüşümlü olarak sıla ve hac iznine ayrılabilir. İzinler nâzır ve başbinbaşının imzâsı ve kâtibin yazısı ile süreyi gösterir izin tezkiresi şeklinde verilecektir. İzinli neferlerden izin tezkiresi ve diğer husûs için herhangi bir para alınmayacaktır. İzin süresinin bitiminde kışlasına dönmeyenler olduğu takdirde sert bir şekilde cezalandırılacak olup, vaktinde kışlasına dönenlere ise izin süresinde geçen günlerin parası tamamen ödenecektir.

Zâbit ve Neferâtın *askerlikten ayrılma ve emeklilikleri* ise kânûnnâmede şöyle tespit edilmiştir: Bir kişi yazıldığı tarihten on iki sene geçtikten sonra ticâret veya memleketinde zirâatle uğraşmak, ayrıca evlenmek ve varisleri kalmadığı için yetimlerine bakmak ister ise, dirliğinden vazgeçmek şartıyla hizmeti terk edip maaşsız olarak izin alabilecektir. Bu durumdakilere on iki seneden önce asla izin verilmeyecektir. Askerlerden hazar vaktinde hizmetlerine devam edip de maaşa bağlananlar, ihtiyâr veyâ hasta olurlar ise maaşlarının yarısı; eğer seferde askerliğe mani şekilde yaralanırlar ise maaşlarının üçte birini alarak emekli olabileceklerdir. Bunların dışında süresi gelip de ihtiyarlayan veya malul olanlara maaşının tamamı ödenerek emekli edileceklerdir.

Asâkir-i Mansûre-i Muhammediyye *askerlerinin seçiminde* dikkat edilmesi gereken hususlara gelince: Neferler, 15-30 yaş arası sağlıklı erkekler arasından seçilecek, yaşı büyük olup da kuvvetli ve bahâdır olanlar olur ise kırk yaşına kadar alınmasına müsaade edilecektir.

Asâkir-i Mansûre-i Muhammediyye zâbit ve neferâtına ait tertîb şekilleri, maaşlar, tayinât, elbise ve bunların toplam maliyetleri çeviri metni içerisinde şematik olarak bulunmaktadır. Kânûnnâmenin yeni harflere çevrilmiş metni aşağıda sunulmuştur:

İttifâk-ı ârâ ile karar-gîr olan usûl ü nizâm ilâ-mâşâallah-u te'âlâ düstûr'ül-'amel tutulmak üzere işbû kânûnnâme-i hümâyûnumuz dîvân-ı rûûs ve başmuhâsebe kalemlerine kayd ü sebt ve birer sûreti dahî Serasker Paşa ve nâzır tarafına verilerek sâir iktizâ eden mahallere ilm u haberleri i'tâsıyla mevâdd-ı nizâmiyye ve husûsât-ı sâire harf-be-harf icrâ oluna.

Fî Gurre-i Z 1241.

Bi-meşîyyet'illâh-i te'âlâ bu dîn-i mubîn ve devlet-i muhammediyyenin ibtidâ-yı zuhûru ve ba'dehû şark ve garbı ihâta etmesi mutlâka şerî'at-ı mutahhara ve seyf-i cihâd sâyesinde olarak saltanat-ı seniyye-i ebediyyü'd-devâma göre cemî'-i zamânda a'dâ-yı dîne mukâbil olacak 'asâkir-i cihâdiyye ve guzât-ı islâmiyyenin vücûdundan lâ-büdd ve muktezâ olmak mülâbesesiyle mukaddemâ devlet-i 'aliyyede yeniçeri ocağı tanzîm

olunmuş ise de mürûr-ı zamân ile içlerine ‘azîm fesâd karışıp ve vâki’ olan seferlerde bir işe yaramadıklarından mâ’adâ refte refte uygunsuzlukları derecesini aşıp evvelki yararlıkları yaramazlığa ve eski itâ’atleri itâ’atsizliğe mübeddel olarak hiçbir suretle ıslahın çâresi dahî bulunamadığından nihâyet’ül-ümerâ ittifâk-ı ‘âmme ile sahîfe-i ‘âlemden nâm ü nişânları külliyyen ref’ ü imhâ olunarak ânın yerine lilâhi’l-hamd ve ‘l-minneh ‘asr-ı bâhir’ün-nasr hazret-i kişver-i güşâ-yı nuhbe-i edvâr u a’sâr ve zât-ı şevket-semât-ı cenâb-ı zıllullâhî min-kabli’llâhî müceddid-i dîn u devlet olduklarına burhân-ı vâzihü’l-âsâr olmak üzere mutlaka a’lâ-yı kelimetu’llâhî’l’ulyâ ve î’fâ-yı farîza-i cihâd ve kazâ niyet-i hâlisine ibtinâen bu def’a iktizâ-yı kitâb u şerî’at ve icmâ’-ı ‘ulemâ-yı ümmet ve ittifâk-ı kâffe-i hayr u havâhân-ı dîn ü devlet ile müsta’inen bi-tevfîki’llâh-ı te’âlâ devlet-i ‘aliyye-i ebediyyü’d-devâma ‘asâkir-i mansûre-i muhammediyye ‘unvânıyla müceddiden lüzûmu mürettebe mu’allim ve mütefennin ‘asâkir tertîb ü tahrîrine karar verilerek bir taraftan tahrîr u ta’lîme bede’ olunmuş ise de miktâr-ı tertîb ve sûret-i idâre ve istihdâmları bilinip âna göre hareket etmek lâzım geldiğine binâen bede’-i bismillâhî’l-‘azîm ve hamden ‘alâ-fazlihi’l-‘amîm ve tevessülen burûhâniyyet-i rasûlül-kerîm şu veçhile vaz’-ı kânûn mesnedim kılınır ki, inşâallah-u te’âlâ bundan böyle gittikçe teksîr etmek ve teksîr ettikçe iktizâsına bakılmak üzere evvel-emirde âsîtâne-i şevket-âşiyânede serasker paşa ma’iyyetinde dâimâ mevcût bulunmak üzere on iki bin neferden ibâret bir ordu i’tibâr olup şöyle ki işbû on iki bin nefer sekiz tertîbe taksîm ile ilâ-nihâye birinci ve ikinci ve üçüncü tertîb ta’bîri itlâk olunmak üzere beher tertîbe birer binbaşından sekiz binbaşı ve beher binbaşı ma’iyyetinde sağ ve sol kolağaları ve yüzbaşılar ve onbaşılar ve topçu ve arabacı ve cephânci başıları ve mülâzım ve neferâtları ve imâmlar ve nefer kâtibleri ve mehterhâne takımı ve mühendis ve hekîm ve cerrah neferâtı mevcût olarak beher tertîbin ma’a zâbitân bin beş yüz yirmi yedi nefer mürettibi olmak üzere bi’l-münâvebe iki binbaşı üçbin elli dört nefer ile derûn-ı İstanbul’da bâb-ı seraskerîde kışlaklarında bulunarak derûn-ı âsîtânede bunlar münâvebe ile kolluk bekleyip meselâ bir cesîm kolluğa bir yüzbaşı ta’yîn birle olkolluğa merbût olan küçük kolluklara dahî ânın tarafından onbaşılar ikâmesiyle leylek ve nehâren esvâk ve mahallâtın muhâfazasına ihtimâm ettirile ve diğerk altı binbaşı ma’iyyetinde bulunacak dokuz bin bu kadar neferi dahî Davutpaşa ve Üsküdar’da binâlarına şurû’ olunmuş ve olunacak kışlalara iktizâsına göre taksîm olunarak bi’l-münâvebe Üsküdar Kışlasında bulunanlardan Fenerbahçesi’nden Bahr-i Siyâh boğazının Anadolu tarafında vâki’ Fener Kal’ası’na kadar gerek boğaz kal’alarını muhâfaza ve gerek Boğaziçi sevâhilinde bundan akdem yapılan tabyaların bundan böyle ‘adem-i lüzûmuna mebnî terk ü ta’tîliyle fakat karakolhâne sûretinde ibkâ olunacak tabya başındaki kışlaklarda ve mevâki’-i mukteziye-i sâirede ikâme için kifâyet miktârı münâvebe neferâtı tertîb ile mâ’adâsı asıl kışlaklarında ta’lîm ü te’allüme meşgûl olalar ve kezâlik Davutpaşa’da bulunacak binbaşılar dahî neferât-ı mürettebeleriyle Baruthâne’den tâ Bahr-i Siyâh Boğazının Rumeli tarafında vâki’ kılâ’m nihâyetine kadar gerek kal’alara ve gerek tabyalardan bakiyye kalacak karakolhânelere ve gerek mevâki’-i sâireye iktizâsına göre bi’l-münâvebe ta’yîn olunarak kışlaklarında kalanlar ta’lîm ü te’allümlerine iştigâl etmek ve’l-hâsıl bunların sûret-i taksîm ve istihdâmlarında bundan böyle îcâb-ı vakt ü hâle tab’iyyet olup şu kadar ki işbû sekiz binbaşı ‘ale’d-devâm bir yerde meks olunmaksızın münâvebe ve devr-i dâim sûretiyle kâh kışlalarda ve kâh kolluklar ve boğaz kal’aları ve karakolhâneler ve mevâki’-i sâirede dâimâ münâvebe ve tebeddül sûretiyle nakl ü istihdâm olunarak cümlesi gerek kışlaklarında ve gerek kılâ’ ve

karakolhânelerde oldukça hem emr-i muhâfazaya ihtimâm ve hem boş durmayarak bir taraftan dahî ta'lîm ü te'allüme iştigâl-i tâm göstereler ve işbû sekiz nefer binbaşının cümlesinin üzerine baş binbaşı 'unvânıyla zâbit ve rütbesi kapucu başlık râddesinde olmak üzere serasker paşa ve nâzırın intihâbıyla ehliyet ve liyâkati mücerreb bir münâsibi baş binbaşı nasb u ta'yîn oluna ve nâzırların rütbesi tevcihât-ı hümâyûn defterinde darbhâne-i 'âmire nezâreti ile cebehâne nezâreti beyninde olmak üzere mu'allim-i 'asâkir-i mansûre-i Muhammediyye nezâreti diyû kayd oluna ve sâir ocaklar misillü menâsıb-ı dîvâniyyeden olmak üzere bir kâtib nasbı dahî lâzım geleceğinden ol-dahî tevcihât-ı hümâyûn defterinde masraf-ı şehriyârî kitâbeti ile süvârî mukâbeleciliği beynine kayd olunmak ve cünhası vâki' olmadıkça 'azl olunmamak üzere bâ-irâde-i seniyye bir ocak kâtibi nasb ü ta'yîn kılına ve zîrde defter gûne tertîb bulunduğu üzere beher binbaşı ma'iyetinde bir tertîb olmak üzere ma'a zâbitân bin beş yüz yirmi altı nefer olup şöyle ki beher on neferin bir onbaşı ve yüz nefere bir saf itibârıyla on iki saffa on iki yüz (başı) ve altışar saf sağkol ve solkol itibar olunarak üzerlerine ağa-yı yemîn ü yesâr ta'biriyle altı yüzbaşılar ve topçu başı ve arabacı başı ve cebehâneci başı ve beherine mülâzımlar ve çavûşlar ve sancaktarlar ve mehterbaşı ve hekim ve cerrâh ve sâiresi nasb u tahsis ve her yüzbaşuya ikişer nefer saka tertîbiyle libâsları nefer misillü tanzîm ve fakat meyânına sâde bir kamçı ile temyîz ve neferât-ı merkûme evkât-ı hamseyi cemâ'at ile edâ ve beher safın kışlalarına birer mektep inşâsıyla günde birer nevbet Kur'ân-ı 'azim'üş-şân ve avâma lâzım olacak miktâr mesâil-i dîniyye ve ilm-i hâllerini ve ba'dehû Birgivi Risâlesi'ni tal'im ü tefhîm zımnında İstanbul Kadısı Efendi ma'rifetiyle bi'l-imtihân ve bi'l-intihâb zikr olunan beher safa birer münsif imam nasb ü tahrîr olunarak bunların cümlesi bir tertîb itibârıyla cümlesinin üzerine binbaşısı zâbit ola ve işbû binbaşılar zikr bulunduğu veçhile bin beş yüz yirmi altı neferden ibâret olan bir tertîbin zabt u rabtına me'mûr olup ma'mâ-fih lede'l-iktizâ ibtidâ-yı su'âl ve cevâpta binbaşılar sağ ve sol kolağalarına ve topçu başı ve arabacı başı ve sâir rüesâyâ ve sağ ve sol kolağaları dahî zîr-i idârelerinde olan altışar safın yüzbaşılarna âmir ve zâbit olarak yüzbaşılar dahî yüz beş neferden ibaret olan bir safın onbaşılarna ve onbaşılar zîr-i idârelerinde olan dokuzar neferin ale't-tertib zâbiti olalar ve zîrde işâret bulunduğu üzere zâbitâna 'alâ-merâtibihim maaşlar ve neferâta dahî mâhiyeler tahsîsiyle işbû tertîb olunan maaş ve mâhiyeler beher mâh otuzar gün hesabıyla ve aylık sûretiyle verilip şu kadar ki mâhiyelerin sûret-i tahsîsi beher nefere yevmiye altmışar (akçe) hesabıyla olarak fakat neferâta i'tâsı mâh-be-mâh mâhiye sûretinde uydurula ve binbaşından mâ'adâ zâbitân ve neferâta ber-mantûk-ı defter beher sene rûz-ı hazerde birer takım kisve ve birer serhatli yemenisi ve rûz-ı kasımda çizmeler ve sefere me'mûriyetlerinde birer adet yağmurluklar i'tâ oluna ve esliha-i mürettibeleri dahî kezâlik ber-mûceb-i defter zâbitân ma'rifetiyle tevzî ü teslîm olunup mürûr-ı eyyâm ile meselâ tüfenk kundağı fersûde olur ise zâbiti atîkini nâzıra getirüp irâe eyledikte ta'mîre muhtâc ise ta'mîr ve cedîden verilmesi lâzım gelir ise 'atîki alınarak âhar cedîdi yine zâbitân ma'rifetiyle i'tâ kılına ve binbaşılarn hîn-i ta'yîninde levnî ve nev'î ma'lûm olmak için yine zîrde muharrer olduğu üzere fakat bir takım libâs verilip ba'dehû iktizâ ettikte libâs-ı mezkûru kendi maaşından tecdîd eyleye ve bunların cümlesine sabahları yalnız nân-ı 'azîz ve şorba ve akşamları şorba ve yahni ve Cuma ve isneyn geceleri bazen pirinç ve bazen bulgur pilavı verilmek ve şorbalar dahî bazen pirinç ve bazen mercimek olmak üzere ta'yînâtları kezâlik zîrde tertîb bulunduğu üzere 'aynen virile ve ibtidâ bir kimesne tüfenk-endâz neferi olup ba'dehû yoluyla 'ale't-tertib eskiyerek onbaşı ve ba'dehû çavûş ve ba'dehû sancaktar ve

mülâzım ve yüzbaşı ve ba'dehû kolağası mülâzımı ve ba'dehû saff-ı evvelde ise altı yüzbaşı hükmünde olan ağâ-yı yemîn ve saff-ı sâni'de ise ağâ-yı yesâr olup ve ba'dehû işbû sağ ve sol kolağalarından hangisi eski ve mütefennin ise binbaşı ola ve baş binbaşılık münhal oldukta binbaşılardan 'âkil ve kâr-güzâr ve sadâkât-kârlarından biri bi'l-intihâb ta'yîn oluna ve tertîb üzere bunların yolu aşılması eskilik i'tibârıyla olup ancak fende mahâreti ve isti'dâdı yok ise aşağıdan erbâb-ı isti'dâdı takdîm câiz ola ve kezâlik ibtidâ bir kimesne topçu neferi olup ba'dehû eskiyerek topçu halîfesi ve top ustası ve ba'dehû çavûş ve ba'dehû topçu başı olup ba'dehû eğer ta'lîm ü te'allümde mâhir ve tefennün ü mahâreti zâhir olur ve mülâzımlardan ve ağâ-yı yemîn ü yesârdan ehakk u elyakk bulunur ise binbaşılık hallinde ol-topçu başı binbaşı olması câiz görüle ve kezâlik bir kimesne top arabacısı ba'dehû arabacı halîfesi ve çavûş ve arabacı başı olmak ve kezâlik ibtidâ bir kimesne cebehânci neferi olup ba'dehû yoluyla eskiyerek cebehânci çavûşu ba'dehû cebehânci başı olmak ve ibtidâ bir kimesne sûrnâzen ve tablzen oldukta eskiyerek yoluyla hangi safta ise mülâzım ve ba'dehû ser-sûrnâzen veyâhut ser-tablzen olup ba'dehû mehter başı olmak üzere bunların cümlesi dahî ber-vech-i meşrûh yoluyla eskiyerek terfî' ve eğer mahâret ve isti'dâdı yok ise mâdûnu müstâ'id bulundukta takdîm ve isti'dâdda müsâvî bulunur ise eskiliği sebeb-i tercih addoluna ve işbû on iki safın her birine birer top tertîb ve neferâtı tahsîs kılına ve neferât-ı merkûme leyl ü nehâr kışla ve mahâl-ı me'mûrelerinde mevcûd ve ta'lîm ü te'allümle meşgul olup zâbitâna itâ'at eyleyeler ve neferât-ı merkûmeden birinin töhmeti veyâhut bir gûne maslahatı zuhûrunda onbaşı yüzbaşıya ve yüzbaşı kolağasına ve kolağası binbaşıya ve binbaşı baş binbaşıya ve baş binbaşı dahî iktizâsına göre serasker paşa ve nâzır efendiye ifâde ve teblîğ ederek âdî görülecek maslahat ise nâzır ma'rifetiyle görülüp tedfîb icâb eder şey ise serasker paşa ma'rifetiyle cürm ü kabâhatine göre icrâ kılına ve senede bir def'a vakt-i hazerde vilâyeti karîb mahalde ise altı mâh kadar ve ba'id mahalde ise sekiz mâh kadar sılâya gidüp sâir işini görüp yine kışlasına gelmek üzere beş neferde birine münâvebe tarîkiyle izin verilmek câiz olup izni müddeti hitâmından evvelce avdet eylemek şartıyla nâzır ve baş binbaşının imzâ ve mühürleri ve kâtibin hattıyla müddet-i musarrah izin tezkiresi verilerek gerek izin tezkiresi ve gerek sâir husûs için bir para harç olunmaya ve zâbitân ve neferâtın iktidârı olanlar vakt-i hazerde hacc-ı şerîfe azîmet murâd eylediklerinde ruhsat i'tâ oluna ve bir müddet rızâ ve ihtiyârıyla hizmet edip sonra firâr eder veyâhut sîla bahânesi ve sâir sebeple izin alıp gidenlerden müddet-i mu'ayyenesi inkizâsında gelip isbât-ı vücûd etmeyen olur ise bu mâkûleler hakkında iğmâz olunmayarak gerek mübâşir ta'yîniyle ve gerek ne veçhile olur ise 'alâ-eyyü-hâl buldurulup kışlasına ihzâr ile lâzım gelen te'dfîbi icrâ oluna ve me'zûnen hacc-ı şerîfe ve sılâya gidüp vaktiyle avdet edenlerin güzeste yevmiyeleri geldikten sonra tamamca kendülere i'tâ kılınup eğer sılâya gidenler kable'l-'avdeh mahallinde vefât eder ise işleyen 'ulûfesi beytül mâle 'âid olmak üzere hazîne-mânde ola ve bu sûrette ma'a zâbitân bin beş yüz yirmi altı neferden ibâret olan binbaşının askerinin vakt-i hazerde me'zûnlarından mâ'adâsı tamamen mevcûd bulunup beşte birden ziyâdeye sılâya ruhsat verilür ve bir nefer noksan olur ise binbaşı ve kolağası ve yüzbaşı ve onbaşının dördünün birden te'dfîbi icrâ oluna ve hacc-ı şerîfe ve sılâya ruhsat maddesi vakt-i hazere mahsûs olup vakt-i seferde hasta olandan mâ'adâ cümlesi sefere ve me'mûr olduğu mahalle eşerek (erişerek) sayf ü şitâda serdâr-ı ekrem ve serasker ma'iyetinde vesâir vüzerâ ve mîr-mirân velhâsıl her kimin ma'iyetine me'mûr bulunurlar ise itâ'at ve inkıyâd ile me'mûr oldukları mahalde tamamen mevcûd

bulunalar ve işbû sılıya ruhsat maddesi fakat neferât hakkında cârî olup zâbitân hakkında cârî ve câiz olmaya ve sâlifü'z-zikr zâbitân ve neferâtın biri yazıldığı tarihten on iki sene mürûrundan sonra ticâret veyâhud memleketinde çift peydâ idüp zirâat ve hirâsete iştiğâl veyâhud te'ehhül etmek veyâhud vilâyetinde mevrûsu vefât edip tarla ve yetimleri kalıp idârelerine kâdir akraba olmayarak kendinin zarûri gitmesi iktizâ eylemek misillü maslahatla dirliğinden geçip hizmeti terk murâd eyledikte bilâ-maaş meccânen ruhsat i'tâsı câiz olup ancak işbû ta'dâd olunan sûretlerden her hangisi olur ise olsun on iki seneden evvel olduğu halde kat'an tecvîz olunmaya ve neferât-ı mezkûreden ruhsat verilmek iktizâ edenleri ve gerek ba'de'l-izn hitâm-ı müddette gelmeyenleri nâzırları bâ-takrîr Bâb-ı 'Âlî'ye ifâde edüp ol-veçhile iktizâsı icrâ ve bu veçhile ruhsat verilen veyâhud vefât eden ve tekâ'üd olan (neferâtın) yerine derhâl âharları tahrîr olunarak beher tertîbin neferât-ı mürettibesinden bir neferi noksan kalmamak üzere dâima mükemmel olmasına gayet ihtimâm u i'tinâ oluna ve 'asâkir-i İslâmiyyenin cemî'-i zamânda ekser uygunsuzluklarına cehâletleri sebep olduğundan neferât-ı merkûme ber-vech-i bâlâ yapılacak mekteplerde külli-yevm birer nevbet dahî ta'lîm-i dîn ü diyânet ve hem cemâ'atle edâ-yı salât eylemelerine imamlar nasb-ı nefis ihtimâm edip bu husûsa cümle zâbitân dahî gereği gibi takayyüd ve ihtimâm eyleyeler ve tahrîr olunacak neferât meçhûlü'l-hâl mühtedî ve furumâye kabîlinden olmamak üzere sinleri on beşinden yirmi beş ve otuz ve dilâver ve bahâdır olduğu sûrette nihâyet kırk yaşına kadar mesâğ olup kırk yaşından ziyâdesine mesâğ olmamak üzere pak ve asil ve tûvâna yiğitlerden hüsn-i rızasıyla tahrîr olunarak 'ale'd-devâm kışlaklarında ve me'mûr oldukları mahallerde mevcûd bulunup ta'lîm ü te'allüm ile sanâyi'-i harbiyyeyi kemâl üzere tahsil ve cümlesi saff-ı vâhid hükmüne girmek sûretinde kesb-i tefennün ve mahâret eylemeleri ehemm-i mehâm ve akdem-i merâm olduğuna binâen bu emniyenin bir an akdem kuvveden fi'ile getirülmesine serasker paşa ve nâzır ve sâir rüesâ ve zâbitân ziyâde ikdâm ve bezl-i meçhûd eylemeleri cümlesinin farîza-i zimmetleri ola ve 'asâkir-i mezkûre bundan böyle lede'l-iktizâ sefer ve me'mûriyet zuhûruyla bâlâda mezkûr olduğu üzere serdâr-ı ekrem ve seraskerler ve sâiri ma'iiyyetlerine ve kılâ'-ı hâkânîyye muhâfazasına ta'yîn olunduklarında metânet ve şecâ'at ve harb u darb ve muhâfaza husûslarına bezl-i mukadderet eyleyeler ve sayf ü şitâda bir neferi noksan bulunmamak lâzimedden olmağla hîn-i tahrîrlerinde kemâl-i tekayyüd ve ihtimâm ile ta'ahhüd ve kefâlete bağlanup onbaşılar neferâtına ve yüzbaşılar onbaşılara ve kolağaları yüzbaşılara ve binbaşılar kolağalarına kefil olmak sûretiyle revâbıt-ı kavîyyeye bend olunduktan sonra hilâf-ı nizâm her kimde tekâsül ve kusur zuhûr eder ise derhâl te'dîbleri icrâsına mübâderet ve baş binbaşı ve binbaşılar ve zâbitân-ı sâire mâhiyelü neferâtı hizmetkâr etmeyüp hâricden hizmetkâr kullanmak ve hizmetkâr kisvesi neferât kisvesine müşâbih olmamak husûslarına dikkat oluna kaldı kı vakt-i hazerde hidmeti sıbkat ederek maaşa mutasarrıf olanlar ihtiyâr veyâhud 'alîl olur ise mutasarrıf olduğu maaşın nisfi ile ve eğer seferde mecrûh olup 'amelden sâkit olduğu cerhi iltiyâmından sonra mutahakkık olur ise maaşın sülûsânı veyâhut cerh ve istihkâka göre dahî ziyâdesiyle tekâ'üdlük câiz ola ve kezâlik mâhiyeli neferâtın biri vakt-i hazerde ihtiyâr ve 'alîl olur ise tamâm-ı mâhiyesiyle ve eğer vakt-i seferde mecrûh olup cerhi iltiyâmından sonra amelden sükûtu mütehakkık olur ise cerh ve istihkâkına göre dahî ziyâdesiyle tekâ'üdlük tevcîhi câiz olup bu vechile gerek zâbitân ve gerek neferâtın verilecek tekâ'üdlükleri ol-kimesnenin vilâyet ve memleketine münâsib mahalde nakit mesâbesinde olan münâsib ve sağ maldan i'tâ olunmak üzere serasker paşa ile nâzırın

bi'l-iştirâk Bâb-ı 'Âlî'ye takdîm edecekleri arzları ibtidâ hekimbaşı efendiye havâle ile ol-kimesnenin cerh u 'illet ve 'amelden sükûtu keyfiyeti mu'âyene ve i'lâm olunduktan sonra dîvân-ı sadr-ı a'zamîye çıkarılıp tensîb ü irâde olduğu sûrette hidmet-i defterîye havâle olunarak takdîm edeceği takrîr ve şürût mücibince icâb eden tekâ'üdlüğü iktizâsına göre tevcih ve senedi tanzim oluna ve eğer bu misillü tekâ'üdlük verileceklerin maaş ve mâhiyeleri çürük maldan verilmek lâzım gelir ise 'asâkire fütûru müeddâ ve hilâf-ı rızâ-yı 'âlî olacağına binâen bu husûsda defterdâr-ı 'asr bulunanlar bayağı müehhizeye müstahak olalar ve kezâlik tekâ'üdlük maddesinde ricâ ve şefâ'at ve hâtır ü gönüle ri'âyet maddeleri bir vechile câ'iz olmadığına binâen bu husûsda serasker (paşa) ve nâzırlar dahî kemâl-i ittikâ ve mücânebeti der-pîş edeler ve topçu ve arabacı ocakları misillü serasker paşa ve nâzır ma'rifetiyle işbû 'asâkir-i mansûre-i muhammediyyenin bi'l-cümle ricâl ve zâbitânı intihâb ve şürût ve nizâm-ı mücibince 'alâ-merâtibihim nasb olunmak üzere gerek bu husûslara ve gerek sâir mesâlih-i lâzimeye dâir iktizâ eden 'arzları serasker paşa ile nâzır beraber temhîr edip ikisinin mührü cem' olmadığına yalnız birinin mührüyle olan 'arza i'tibâr olunmaya ve bu makûle 'arzlar ocak kâtibi hattıyla yazılıp 'arz için kimesne tarafından bir akçe alınmaya ve bi'l-cümle zâbitân ve 'asâkirin zabt u rabtı maddesi serasker paşanın uhde-i müstakilesine muhavvel ve ümerâdan ve vikâye-i nizâmına dâir mesâlih ve umûrun rü'yetinde nâzır müstakil olup ma'mâ-fih cemî'-i umûr ve mesâlih yine ikisinin ittihâd-ı re'y ve tedbîriyle görülmek üzere serasker paşa ile nâzırın uhde-i ittifâk ve ittihâdlarına tefvîz oluna ve mâhiye ve maaş ve masârif ve ta'yînât husûsları dahî kâtib ma'rifetiyle nâzırın yed'inde olmak üzere vakt-i hazer ve seferde zîrde mestûr ta'yînâtları verilerek kışlaklarında kandil ve mum ve matbah ve sobaları için hatab ve sâir masârifâtı nâzır ve kâtibi ma'rifetiyle ru'yet olunup başkaca masârif kayd oluna ve işbû tertîb ve tahrîr olunan zâbitân ve neferâtın maaş ve mâhiyeleri için sâir ocaklar misillü sened i'tâsına hâcet olmayarak serasker paşa ve nâzır ve me'mûrîn-i sâire ma'rifetleriyle yazılan zâbitân ve neferâtın 'ale'l-esâmî ve 'ale'l-tertîb tutulacak defteri kalemlere kayd ve mâh-be-mâh bunların maaş ve mâhiyeleri serasker paşa ve nâzır huzûrunda kâtib ve her safın zâbitânı ve me'mûrîn-i sâire hâzır oldukları hâlde her biri ism ü resmiyle defterlere tatbîk olunarak mevcûduna göre maaş ve ulûfeleri yedlerine verilmek üzere .beher mâh yapılacak yoklama defterleri dahî kezâlik kalemlere kayd ü sebt olunup lede'l-iktizâ silsileleri yürüdükte serasker paşa ile nâzır efendinin bi'l-iştirâk Bâb-ı 'Âlî'ye takdîm edecekleri takrîr kaleme havâle birle kalemden verilecek ilm ü haber vechile tevcihâtı icrâ oluna ve taşra bir mahalle me'mûr olduklarında mâhiye ve maaşları dersâ'âdetten üçer aylık olmak üzere nâzırları ma'rifetiyle ba'de'l-hesâb gönderilüp kezâlik taşraya me'mûr olanların iktizâ eden ta'yînâtlarının mikdâr ve kemmiyeti dahî nâzırları ma'rifetiyle tertîb olunarak tarafından ta'yîn ü terfîk edeceği vekîl-i harç mahallinde ol-ta'yînât-ı mürettibeyi nüzûl emîni tarafından vesâir havâle olunan mahalden alup idâre eyleye ve nâzırların işbû mâhiye ve maaş ve ta'yînât ve kisve baha ve masârif-i sâireye dâir serasker paşa ile bi'l-iştirâk takdîm edecekleri takrîr hidmet-i defterîye havâle ile iktizâ eden mebâliğ başmuhâsebeden hesâb olunarak ba'de't-telhîs cânib-i mîrîden i'tâ ve îfâ olunmak ve bu takdirce başmuhasebe kaleminde buna dâir umûr ve husûsun kitâbetine başmuhâsebe kîsedârı bulunanlar bir akçe harç almamak üzere me'mûr kılınmak ve 'asâkir-i mezkûreden vefât edenlerin beytü'l-mâlları dahî cânib-i mîrîye âid olmak üzere bunların cümlesini ve nâzır-ı mûmâ-ileyhin iktizâ eden hesâb ve kitâblarını defterdâr-ı 'asr bulunanlar ru'yet eyleye.



**Sağkol ve Solkol Tertîbine Dâhil Olmayan Sergerde ve Sâirenin Bir Senelik Maaşları**

Rütbe	Nefer Sayısı	Aylık Maaş	Yıllık Yekûn
Binbaşı	1	750	9.000
Topçu Başı	1	200	2.400
Topçu Çavûşu	1	100	1.200
Arabacı Başı	1	150	1.800
Arabacı Çavûşu	1	80	960
Cebehâneci Başı	1	130	1.560
Cebehâneci Çavûşu	1	60	720
Mehter Başı	1	140	1.680
Sûrnâzen Başı	1	60	720
Eimme Efendiler	12	360 Beherine 30	4.320
Mühendis Hocası	1	75	900
Mühendis Mülâzımı	1	50	600
Hekim	1	75	900
Cerrah	1	75	900
Gayr-ı ez-Binbaşı YEKÛN	24	2.305	27.660

**Sağkol Olmak Üzere Tertîb Olunan Ağa ve Neferât-ı Sâirenin Bir Senelik Maaşları**

Rütbe	Nefer Sayısı	Aylık Maaş	Yıllık Yekûn
Sağ Kolağası	1	400	4.800
Sağ Kol Mülâzımı	1	250	3.000
Yüzbaşı	6	1.080 Beherine 180	12.960
Yüzbaşı Mülâzımı	12	1.440 Beherine 120	17.280
Sancaktar	6	600 Beherine 100	7.200
Çavûş	6	360 Beherine 60	4.320
Onbaşı	60	1.800 Beherine 30	21.600
Sağ Kol Neferi	540	8.100 Beherine 15	97.200
Top Ustası	6	240 Beherine 40	2.880
Top Halîfesi	6	180 Beherine 30	2.160
Sağ Kol Topçu Neferi	48	720 Beherine 15	8.640
Sağ Kol Arabacı Halîfesi	6	180 Beherine 30	2.160
Arabacı Neferâtı	24	360 Beherine 15	4.320
Cebehâneci Neferâtı	12	180 Beherine 15	2.160
Sûrnâzen	2	30 Beherine 15	360
Tablzen	2	30 Beherine 15	360
Sade Na'razen	2	30 Beherine 15	360
Zilzen	2	30 Beherine 15	360
Terpenteci (?)	2	30 Beherine 15	360
Saka	6	120 Beherine 20	1.440
Nefer Kâtib	1	150	1.800
YEKÛN	751	16.310	195.720

**Sol Kol Olmak Üzere Tertîb Olunan Ağa ve Neferât-ı Sâirenin Bir Senelik Maaşları**

Rütbe	Nefer Sayısı	Aylık Maaş	Yıllık Yekûn
Sol Kolağası	1	400	4.800
Sol Kol Mülâzımı	1	250	3.000
Yüzbaşı	6	1.080 Beherine 180	12.960
Yüzbaşı Mülâzımı	12	1.440 Beherine 120	17.280
Sancaktar	6	600 Beherine 100	7.200
Çavûş	6	360 Beherine 60	4.320
Onbaşı	60	1.800 Beherine 30	21.600
Sol Kol Neferi	540	8.100 Beherine 15	97.200
Top Ustası	6	240 Beherine 40	2.880
Top Halîfesi	6	180 Beherine 30	2.160
Topçu Neferâtı	48	720 Beherine 15	8.640
Arabacı Halîfesi	6	180 Beherine 30	2.160
Arabacı Neferâtı	24	360 Beherine 15	4.320
Cebelhânci Neferâtı	12	180 Beherine 15	2.160
Sûrnâzen	2	30 Beherine 15	360
Tablzen	2	30 Beherine 15	360
Sade Na'razen	2	30 Beherine 15	360
Zilzen	2	30 Beherine 15	360
Terpenteci (?)	2	30 Beherine 15	360
Saka	6	120 Beherine 20	1.440
Nefer Kâtib	1	150	1.800
YEKÛN	751	16.310	195.720

(Sağkol ve Solkol Tertîbine Dâhil Olmayan Sergerde ve Sâire, Sağkol ve Solkol Olmak Üzere Tertîb Olunan Ağa ve Neferât-ı Sâirenin):

Ma'a Zâbitân YEKÛN 1.526 Nefer, 419.100 (kuruş) Maaş ve Mâhiye

**Nâzır Efendi ve Baş Binbaşı ve Kâtib Efendinin Maaşlarının Miktarı**

Rütbe	Nefer Sayısı	Aylık Maaş	Yıllık Yekûn
Nâzır Efendi	1	7.500	90.000
Baş Binbaşı	1	1.500	18.000
Kâtib Efendi	1	1.500	18.000

GENEL YEKÛN: (1.529 Nefer) 545.100 Kuruş

**Asâkir-i Mezkûreye ve Zâbitânına Beher Yevm ve Beher Haftada İki Def'a Verilecek Tâ'yînâtın Bir Senelik Bahâsı**

Bâ-i'tibâr-ı ta'yînât Neferen	1.526
Zamm-ı ta'yînât-ı meskûreyin	
Binbaşya bâ-i'tibâr Nefer	8
Kolağaları bâ-i'tibâr Nefer	8-2= 6
Mülâzımları bâ-i'tibâr Nefer	6-2= 4
Yüzbaşı bâ-i'tibâr Nefer	24-12= 12
Topçu ve Arabacı ve Cebehânci Başıları bâ-i'tibâr Nefer	9-3= 6
YEKUN	1.562

**Asâkir-i Mezkûreye Beher Yevm İ'tâ Olunacak Ta'yînâtın Mikdârı**

Nân-ı 'azîz:	fi yevm 781 tâne, Beherine Haseb 200 (dirhem), Tanesi 9 paradan = 7.029 para= 175.5 kuruş.
Lahm-i ğanem:	390 kıyye, Beherine Haseb 100 (dirhem), (Kişi başı) 13 paradan, 5.076 para=küsûruyla 126.5 kuruş.
Şorbalık Ürz:	Sabah için 52.5, akşam için 52.5= (günlük) 105 kıyye, kıyyesi 44 para = 4.636+16 para = 115.5 kuruş. Beherine sabah ve akşam 13.5 dirhemden 27 dirhem. Haseb 87+87=174.
Akşam ve sabah soğan kavurmak için şorbalık revgan-ı sâde:	9.75 kıyye, Beherine 2.5 dirhem, dirhemi 66 para=644 para = 16 kuruş 4 para, Haseb 105.
YEKÛN fi yevm:	434.6, Eyyâm 354, 153.853 kuruş 10 para

**'Asâkir-i mezkûreye Cum'a ve İsneyn Gecelerinde Haftada İki def'a Verilecek Pilavlık Ürz ve Revgan-ı Sâdenin Mikdârı:**

Bâ-i'tibâr-ı Nefer	1.526	Pilavlık Ürz
Zâbitân İçün	36	Kıyye 312.40 x 44 (para)= 13.746 para= 343.6 kuruş
	1.562	Beherine 80 dirhem
Bâ-i'tibâr-ı Nefer	1.526	Pilavlık Revgan-ı Sâde
Zâbitân İçün	36	Kıyye 52.7 x 66(para) = 3.478 para = 86.5 kuruş 18 para
	1.562	Beherine 13.5 dirhem
YEKÛN:		Beher nevbette 330.5 kuruş x 100 Leyle-i Cum'a ve İsneyn = 43.060 kuruş

**‘Asâkir-i Mezkûreye Haftada ve Şehriye Verilecek Ta’yînâtın Mikdârı:**

‘Asâkir-i mezkûre haftada bir i’tibârıyla Verilecek Nohut Ta’yînâtı: 1.526 Nefer 36 zâbit = 1.562 kişi. Kıyye 390.5, 1 kıyye 24 paradan = 9.762 para = 244 kuruş x 50 hafta = 12.202,5 kuruş. Beherine 100 dirhem.

‘Asâkir-i merkûmeye bir mâhta verilecek Soğan Ta’yînâtı: 1.526 Nefer 36 zâbit = 1.562 kişi . Kıyye 781, 1 kıyye 6 paradan = 4.686 para = 117 kuruş 6 para x 12 ay = 1.405,5 kuruş 12 para. Beherine 0,5 kıyye soğan.

‘Asâkir-i Merkûmeye Verilecek Tuz Ta’yînâtı: 1.526 Nefer 36 zâbit = 1.562 kişi . Kıyye 781, 1 kıyye 6 paradan= 4.686 para = 117 kuruş 6 para x 12 ay = 1.405,5 kuruş 12 para. Beherine 0,5 kıyye tuz.

Bir mâhta Verilecek Şem’-i Revgân: Kıyye 75, 1 kıyye 48 paradan = 90 kuruş x 12 ay = 1.080 kuruş.

Bir Mâhta Verilecek Sabun: Kıyye 75, 1 kıyye 60 paradan = 112,5 kuruş x 12 ay = 1.350 kuruş.

Bir Mâhta Verilecek Revgân-ı Zeyt: Kıyye 75, 1 kıyye 50 paradan = 93,5 kuruş 10 para x 12 ay = 1.125 kuruş.

‘Asâkir-i Mezkûra Bir mâhta Verilecek Hatab Ta’yînâtı: Çeki 150, 1 çekisi 4,5 kuruştan = 675 kuruş x 12 ay =8.100 kuruş.

**YEKÛN:** Bahâ-ı ta’yînât-ı ber-vech-i tahmîn fî sene = 223.586 kuruş 14 para.

**GENEL YEKÛN:**

1 adet tertîbin maaşları : 419.100 kuruş

1 adet tertîbin ta’yînât bahaları : 223.586 kuruş

Toplam : 642.686 kuruş = 1286 kîse-i Rûmî kûsûr 186 kuruş

**Nâzır Efendi ve Baş Binbaş ve Kâtib Efendinin Bir Senelik Ta’yînâtları**

Nâzır Efendinin Ta’yînâtı:	Fî-yevm nân-ı ‘azîz 40 çift, lahm kıyye 15.
Baş Binbaşının Ta’yînâtı:	Fî-yevm nân-ı ‘azîz 15 çift, lahm kıyye 6.
Kâtib Efendinin Ta’yînâtı:	Fî-yevm nân-ı ‘azîz 15 çift, lahm kıyye 6.
YEKÛN-ı Nân-ı ‘azîz:	70 çift = 35 kıyye x 354 gün = 12.390 kıyye, kıyyesi 9 paradan 111.510 para = 2.787,5 kuruş 10 para.
YEKÛN-ı Lahm:	Kıyye 27 x 354 gün = 9.558 kıyye, kıyyesi 13 paradan 124.254 para = 3.106 kuruş 14 para.
GENEL YEKÛN:	5.894 kuruş 4 para.

**Binbaşîyân ve Sağ ve Sol Kolağaları ve Mülâzımlarının ve Yüzbaşı ve Mülâzımlarının ve Sancaktâr ve Çavûşân ve Sâireye İksâ Olunacak Elbiselerin Ecnâs ve Eşkâli**

Bibaşların Kisveleri:	Sırma Çepresetli Kadife Cepken 1 (adet), Güz Çukadan Sıkma 1 (adet), Telli Şubâre 1 (adet), Lâhûr Şal 1 (adet).
Sağ ve Sol Kolağaları ve Mülâzımlarının Kisveleri:	Çukadan Kısa Cepken 1 (adet), Çukadan Kısa Entârî 1 (adet), Çukadan Sıkma 1 (adet), Telli Şubâre 1 (adet), Çiçekli Bağdat Şalı 1 (adet).
Yüzbaşların ve Mülâzımlarının ve Sancaktâr ve Çavûşânın Kisveleri:	Çukadan Kısa Cepken 1 (adet), Çukadan Kısa Entârî 1 (adet), Çukadan Sıkma 1 (adet), Telli Şubâre 1 (adet).
Gayr-ı Ez-Binbaşî Zâbitân ve Neferât-ı Sâirenin Tahmînen ve Takrîben Seksener Kuruştan îcâb Eden Elbise Bahâsı: <b>120.800</b> (kuruş)	

Topçu ve Arabacı ve Cebehânci ve Mehterbaşların ve Nefer Kâtiblerinin Başlarına Bağdat Şalı ve Fakat İmtiyaz İçün Nefer Kâtiblerine İbrişim Çepresetli Çuka Birer Boy Cepkeni ve Neferât-ı Sâirenin Kisveleri: Sâde Şubâre 1 (adet), Ta'lim Abası 1 (adet), Çukadan Kısa Entârî 1 (adet), Çukadan Yelek 1 (adet), Kuşak 1 (adet), Şayak Sıkma 1 (adet), Gömlek 2 (adet), Gömlek İşi 2 (adet), Serhatli Ayakkabı 1 (adet).

Ma'a Zâbitân Bin Beş Yüz Yirmi Altı Neferden İbâret Olan Bir Tertîbin Bir Senelik Maaşlarıyla Şimdiki Râyice Göre Tahmînen Tâ'yînât ve Kisve Bahâları:

**YEKÛN**

Kîse-i rûmî	Küsûr	
1.526,5	236	
263	394	Nâzır Efendi ve Baş Binbaşî ve Kâtib Efendinin Ma'a
		Ta'yînât Baha Maaş-ı Senevileri
1.790,5	130	

Ber-vech-i bâlâ kaleme alınup ittifâk-ı ârâ ile karar-gîr olan usûl ü nizâm ilâ-mâşâ-allahu-te'âlâ düstûr'ül-'amel tutulmak üzere işbû kânûn-nâme-i hümâyûn ve dîvân-ı hümâyûn ve rûûs-ı hümâyûn ve başmuhâsebe kalemlerine kayd ü sebt olunarak bir sûreti dahî serasker paşa ve nâzır efendi taraflarına verilerek sâir iktizâ eden mahallere dahî ilm ü haberleri i'tâ oluna ve nizâmât-ı mezkûre tiz elden îcâb-ı vakt ü hâle tatbiken te'sîs olunduğundan bundan böyle iktizâ-yı usûl ve maslahata göre ba'zı fikralarının cerh u ta'dîli ve ba'zı mevâddın tenkîs ve ilâvesi dahî câiz ola ve 'ale'l-husûs taşralardan dahî münâsibi vechile 'asker tertîb ve tanzîmi lâzimededen olmağla bi-mennihi-te'âlâ 'ahd-ı karîbte ânın dahî iktizâsı bi'l-mütâla'a sûret-i icrâsı karar-gîr olduktan sonra işbû kânûn-nâme-i hümâyûna zeyl oluna deyû fi gur-re-i Z 241 tarihinde bâlâsı hatt-ı hümâyûn şevket-makrûn-ı şâhâne ile müveşşah şeref-rîz-i sūdûr olan kânûn-nâme-i hümâyûn dîvân ve rûûs-ı hümâyûn kalemlerine kayd ve darbhâne-i 'âmireye 'ilm ü haberi ve 'atûfetlü serasker paşa hazretleri ve nâzır efendi tarafına sûreti i'tâ olunmağla başmuhâsebeye dahî 'ilm u haber olmak üzere işbû sûret verildi.

İMZA

